

濟麓齋 函 公 啟

濟麓齋江草

共 2 册 存 2 册 排架号

08523

Handwritten text in the top right corner, possibly a date or signature.

Handwritten text on the left side, possibly a name or title.

溫州府圖書館藏

Handwritten text on the right side, possibly a date or signature.

Handwritten text at the bottom right corner.

借端安飽藏手稿吉付寓

濟

林康

益

彙

物

余永森著

溫州府 印

人兩手掬明月

仙洞翔雲

披雲尋仙洞雲深滿衣冷  
後聲振鏗然翻身如落井  
白雲忽在空天光餘耿耿

石門晚照

夕陽遠如烟千山淡將暝  
攬衣度石門孤影落飛磴  
寒山僧獨歸隔溪聞踈磬

石鼓雷音

石鼓卧溪邊莓苔連石磴  
樵夫持斧來一擊衆山應  
探幽方入靜鏗調爽清聽

山窻坐月

秋宵寒影澄颯颯涼飈度  
隔竹棲禽鳴山月已流素  
踈林綴殘

星流雲濕高樹獨出池上窻明燈淡如霧對茲愜幽懷悠然發  
清悟

過天王寺

行行過清境探幽日將暝僧塢半峯雲竹房一聲磬林疎昏鴉  
喧寺古寒烟凝何人携青編復此來乘興去去感吾懷夕陽在  
草徑

山齋晚坐

暝色蒼然來奄忽東臯暮鐘殘前林烟僧歸村樹夕陽没江干  
栖禽喧竹戶佇立松風凉山窻月已素

過蓋竹

水際烟初濃峯端日將匿返照入寒林孤村生秋色間眺過石  
橋拄杖青山側野寺起昏鐘涼風動叢棘牛羊雜歸樵下嶺紛

相即樂幽情每怡欲去心猶憶會當謝城市結茅事種植

月夜有懷

雨歇東臯暮山翠淨蒼蒼殘雲吐初月幽徑接微光風聲閒石溜梧影移竹床靜坐見夜色清興誰與將所惜美人隔矯首天一方

同人過朱坑

山寒多清姿境寂契心賞霜葉夕陽微幽崖秋氣爽隱映雙溪流崩奔滿谷閣探竒屐危石攬勝披榛莽漸覺幽林深倏出青峯上歸雲將暮容曠野猶昭朗徘徊空中山悠然發清想知君逸興多何時更携杖

夜坐有懷

夕陽下城西東臯忽已暮竹露生淑風松月當窻素寒蛩徑畔

履

山中二字誤到

鳴歸鴻天際度夜色清以幽孤懷誰與晤思君望秋雲隱見清  
江樹

尋清泉庵不至

薄暮望東峯岩巖淡夕景風吹山水聲獨行時顧影隔竹尋僧  
龕疎鐘出翠嶺鳥栖林烟昏樵歸溪雲冷愛茲山光幽悟彼居  
人靜

過蔡昌鰲外翰別墅

悠悠碧波流小墅河之澳護花樹短垣架水起浮屋月明聞棹  
歌抱琴波上宿因君盤桓趣予亦懷幽獨

對月有懷

宵分萬景澄開軒佇華月地白墟烟凝霜青苔徑滑空林映寒  
姿孤籟徹淒越竟夕愛清輝涼風澈肌骨倦焉懷美人相思何

時歇

野望

晚晴眺郊圻遙遙天宇空  
山寒多雪意陰碓雲先凍  
斷坂集飢鳥殘林落霜淞  
有懷江水頭寂寞於陵仲

訪表兄王樂成

出郭理扁舟沙村日已夕  
霜凋楓岸春月照蘆洲  
白夜寒獨雀歸波靜聞魚  
擲蒼茫雲水中愛君江上  
宅竹露交清陰煙嵐盪  
虛壁相邀具雞黍新釀傾  
芳液醉後淡忘歸長嘯遙  
山碧

早行抵午息山村

林陸嘶曉風野草溥晨露  
我行一何早冷煙迷村路  
喜愜看山興更縱尋幽步  
寒谷捲秋陰崖巖互吞吐  
殘鐘出翠嵐深溪隱紅樹  
兩兩茅茨家陰抱青峰住  
朝陽散墟落雞犬雲中布  
臨風



懷隱倫心契林泉趣乃知幽寂境可以葆純素

夜上山齋遲林昌緒不至

空山夜岑寂羣壑闕清邃疎林迎晚風木葉含霜墜乘興投烟  
徑叩扉懷彼其縷縷深秋情欲成幽栖思石泉澄清波窻竹憂  
寒吹徘徊山影中高軒生寒翠之子竟何往明月空相遲

夜坐

虛齋面蒼巘涼月掛遙岑素輝逼清漢流影散前林攬月臨階  
除涼露沾衣襟商飈戛疏竹傾耳聆幽音靜坐忘幽獨天機妙  
會深中宵不成寐抱膝發微吟

雜詩

大地凝肅氣萬物歸蕭索商飈摧弱幹白露零殘穉繁英豈不  
榮轉盼已凋落世運互乘除化機本淡漠昔恨向榮遲今怨植

根薄菁英詎有餘誰能懷盤錯

歲暮感懷

嚴霜凋庶類星紀忽將終寒谷被凝陰高樹嘶淒風敝廬托僻壤閉戶對蒿蓬日夕臨前除戚戚多鳴蟲壯盛不相待歲暮百愁攻株守豈高志慨焉念固窮

二

百歲會有幾逝者已如斯謀生寡常業轉令心力疲野嵐期滿腹鷓鴣志一枝身為飢餒役長懷辛苦悲簡策空積案日夕不暇窺悠悠歲暮餘冽冽寒風吹蕭條門巷中觸目鮮所宜豈伊慕華撫而已多戚咨慷慨懷古人邈焉係予思

贈別

與君稀相見臨歧每黯然尋思繾綣情且復少遷延依依夕陽

樹蒼蒼暮色連遠雲生南浦遠鴻入晚烟風吹屋上松月出出  
之何以成相思贈君秋水篇

溫州府

温  
尔  
不  
福  
家  
就

齋麓齋彙州

過永嘉廢宅

蒼烟落日城西隅，城隅舊是何人居。  
頽壁欹斜猶突兀，蔓草已難摩斷碣。  
栖烏夜集空庭樹，寒蟬嘶斷高城月。  
憶昔榮華歸故鄉，擊鐘鼎食閭里光。  
謝傳已辭東山墅，魏府方新畫錦堂。  
雄構直凌雙岫畔，深渠潛隱垂楊岸。  
聯翩檝楔照通衢，巍峩臺榭連雲漢。  
誰知華屋終荒邱，赤烟一夜火雲愁。  
青山不改古今色，碧水忽自東西流。  
荒土依然成民居，涼風颯颯起楸梧。  
君不見當時崛起早有二千石，浮雲變幻空太息。

聽閩客談過海之景

客談海外竒，真覺衆流小。  
初從彭門來，悵望東甌杳。  
飄如一葉落天心，浪花簇送向浩淼。  
蒼烟點點水上飛，島嶼驚看疾如鳥。

混渾直疑一氣浮周視焉能詳八表金烏欲傾東隅昏蟬月却  
吐波中曉鬣精擊鼓登波浮螢殼揚帆隨風裊鬼火忽奔騰颺  
母苦驚擾天吳海若揚飛旛驅出靈鰲頭載嶮蛟龍噓氣射金  
波五色陸離空際繞恍惚不知神靈意片片愁雲空縹緲予生  
好遊未遊此使吾聽之心杳渺

舟次青田

青田人家城上起城高半在白雲裏四圍翠嶺挿天來城影倒  
射清江水客子推篷坐江流却望城門係行舟黃昏燈火懸樹  
杪卧聽雞犬出城頭歷歷青疇依蒼莽耰鋤半自城中往市上  
惟聞樵唱聲林邊時有魚榔響曉來沙岸起涼颺 譙樓上立  
多時青山不見茹芝客蒼崖何處攝魂碑老 梯前山峻峙石  
門西上流如駛長年解衣試鐵篙灘聲漸急從此始

石門洞

石門洞壑瀑布奇我來正當六月時黃昏艤舟向洞口水面渾  
欲生涼漪捫蘿不覺屐齒折仰見蒼崖削如鉄河漢恰向峯頭  
通星光倒接岩陰雪宛轉蒼霓欲上天翻雲潑起蜿蜒當風劈  
碎空中月噴林墜作潭上烟霏散夜色昭且朗碧玉散寒莽孤  
亭坐聽風雨聲四壁渾覺山俱闔是時螭龍方乘雲紫電暗閃  
前山垠金蛇忽逐寒泉墮赤光翠影變氤氲中宵遲遲起徐步  
歸到蓬窻耿長寤謝公遊跡竟何從郁離吟嘯今已故勞生自  
笑真怱怱如此溪山不得住

桃花嶺

信宿溫溪舟遙遙望山取朝下東渡頭却望龜溪流行人欲問  
雙便已無流水到東甌

俞嶺巖峻嶒嶒復與如孫升隘頭高飛騰茅店向天  
雲山東望  
無重數客行欲到第幾層

望金華山

挂席朝下碧沙灣舟人告我金華山水際倒垂萬丈白雲邊亂  
掉千了鬢洞天舊是神仙窟靈異至今猶未歇樵客時看爛柯  
棋漁父或放桃花筏茫茫萍水問仙踪推篷一一數重峯靈谷  
誰鋤三秀草茯苓何處千年松崖幽蹊邃紛難辨但見一片青  
濛濛空想黃家舊伯仲羽化亦是大寰夢白石不見叱羊人碧  
雲空瑣雙龍洞清溪落日草班班斷霞孤雀自往還潺湲應與  
靈源接流水日日到人間

大風雨後自金華抵浙江舟中即目

黑雲墮水水倒湧北風捲地地欲動鬼車翻飛飢鳥啼眼底倏



忽成瀕洞扁舟朝下五百灘，八咏樓前浪潺潺。雨聲如電石尤  
怒，咫尺不見金華山。長年相風急轉舵，繫纜偏驚岸相左。黃昏  
船底遞低昂，舟人共守一燈坐。夜半忽驚棹歌聲，雲光細拆月  
旋明。篙工喜趁順流便，擊榜不待晨雞鳴。混混黃沙烟漠漠，向  
曉已過富春城。七里灘前流似箭，八十八瀨青如澗。嵐影層層  
錦繡新，瀑流處處珍珠濺。東岩飛下飲川霓，北嶺更起扶雲螭。  
縈拂烟鬟紛出沒，玲瓏日脚光離披。覆磔重巖寫不盡，安得一  
瀑繫一詩。答公 偃卧無停瞬，長謔願轉舟。行遲豈知朝發蘭陵  
渚，薄暮已接富陽淑。四百里路舟如飛，欲憶雲泉倏已阻。曉來  
却望錢江水，壞檣折舵紛相擠。始知昨朝得意時，多少驚魂不  
忍視。茲遊冠絕平生寄，歷險亦為今吾始。客途可樂亦可危，僥  
倖真成憂作喜。

雲江覆舟謠

飛雲江險深不測海門呼吸驚濤逼行人問渡伺風聲臨流怕  
見江雲黑豈謂澄江如練平漏舟忽向中流橫四十餘人同併  
命浮沉遍向波中撐兩岸漁舟空號救千夫僅致數人生傷哉  
招魂淚交濺流尺難覓空悲莫蹇裳頓使往來驚父老百年嘆  
未見此地由來浪拍天昔人曾施義渡船舳艫笈材必美楫  
舵福制維堅雙櫓更教備折壞歲歲取給公租田誰知事成  
歸官府吏胥因緣恣漁取朽株折板不時脩既脩遂將價難估  
侵削方充私蠹囊誰將重載問舡戶滅頂之孽非自天狎水人  
玩成苦窳遂使竒福起鴻濤可憐生命難如土作歌為告當途  
人願向長江施甘雨

大水嘆

輕 輕 尸

頌

壬寅七月不雨至九月父老嗷嗷憂烈暴豈知一雨傾長川洪  
濤忽欲翻地軸海底颶母上雲端陰崖蛟螭滋孕育驚風注霖  
連三朝緣溪捲盡依林屋蒼皇呼天天亦愁性命傾刻歸魚腹  
居民曉起望田疇滌滌山川忽如沐昨憂焦塵迷蒼穹今見驚  
濤飛平陸可憐土梗滿原頭辛苦遂將塲圃築新來縣官憂蒿  
目側耳驚聞千家哭里正勘災報官府今年猶如勝中熟君不  
見沙上遺尸烏鴟啄雲愁露泣無人覆野老溪童悲採菑寡婦  
攜兒無處鬻官廩買補催糶穀隸胥查額搜窮谷上戶加派倍  
五六窮戶猶輸十餘斛

斫樟樑行

斫樟樑修戰具船廠徵材紛綸四布斧斤安問祠與墓遺梯遠  
使人驚顧寸木如持官府怒斫樟樑種榕樹不材之木蔭交路

拳曲幸無悍吏怖清風明月皆佳晤求魚谷則涸求材木遭鑿  
採買令雖嚴莫禁根株削斫樟樑無處斫

蕃薺謠

蕃薺葉子青可憐蕃薺根實大如拳根可療飢葉可燃彌山遍  
是蕃薺田町畦盤盤窮岩窟茅茨簇簇住雲巔山農赤足行滕  
纏緣崖厯礪凌飛煙籬根朝搜狐兔穴槽巢夕共豺虎眠長鏡  
自誇登陟便不憂陷危憂土墜生兒不識粥與饘何況梁肉與  
肥鮮山翁家在青山前旦夕相對思渺然吾聞食者民之天

捉船行

部院巡行來海徼江岸捉船紛叫嘯點船夫收撐柁撐柁局  
入土神廟七十二埠風颼颼捉住來舟無去舟船夫忍飢望潮  
流朝朝瞠目坐江頭江頭守候無時日望枯雙眼淚欲溢淚眼

轉向吏胥哀吏胥詬怒面如灰願質衣裳充一杯明朝放汝二  
船開

扯票謠

虎鬚健隸扯却票高堂令公拍案叫吾隸原以票為田如何使  
彼不得望有年念爾藐藐青巾子猖狂放肆敢爾爾吾今送汝  
問廣文廣文先生可曾聞廣文先生可曾聞

常平倉

秋原風藪藪私稻行將熟閉門惴息憂踏踈明日包封買官穀  
敷胥按額窮秋毫里正都差走相逐多寡一憑吏胥目吏胥却  
視賂予多寡施盈縮窮戶無錢更窘感三百青銅錢淋尖穀一  
斛收入官倉成官米官米一石徵錢三千六額米一萬餘買補  
紛鞭朴輾轉歲贏萬餘金悉充縣官私囊蓄縣官攢眉對上憲

尚憂不足殫貪黷嗟哉常平倉何曾一粒得入飢黎腹可憐里  
戶剗割心頭肉

雜謠

猛虎嘯羣狐跳巷陌風蕭蕭白日迴寒照新來太守鬣無髭怪  
形猙狀惡人窺誰家慙女兒竊竊掩戶咤摘撮孔道中可憐玉  
雪無完肌太守來人奪魄市上驚塵飛販豎走辟易太守安輿  
持密籍刑狙潛指富兒宅飛災橫發無停夕君不見海壇江妻  
奴寒裳淚盈龐千家避地逃輕艘君不見山脚門赤烟滿野哭  
聲酸一夜焚燒數百棺君不見老羸孑孑悲靡適琅璫絙索來  
無迹噫嗟乎蒼天養虎虎養狐墉崩沙域交相呼傷哉雉離羅  
奈爾脂膏何

驅疫謠

疫鬼至走卜肆卜史丁寧肫且摯歸家磁爐香檀熾中庭架結結  
天臺位東岳大帝駕雲騎十洞楊王駭鸞轡洪洲陳王騁神驥  
城隍土公俱列侍山魃跳躍五通恣金擊鼓揚赤幟爆火霹  
靂喧鼓吹壯夫奮呼聲震地中厨吉蠲紛為饒剗羊執豕牲告  
備三十六案肅陳肆十二鄉社靈交致老巫金鈴傳神意禹步  
能除病者崇以攝疫鬼封磁器戶牖遍施符水秘紙船軒且輕  
咒送五瘟使夜半嘩呼聲愈哆鉦鼙撓鐸向郊隧驚懾居人咸  
惴惴役徒犒餒啖炮哉塗人爭食皆弗忌狼藉盃盤餘者棄  
饕暴殄喧酣醉哿矣富人悲困匱貧者一舉家已墜老巫更傳  
有深必切切後語尚須記病者雖死不可恚悲哀禁聲但垂淚  
棺槨措地勿高置戶庭月餘須清闕鄰右兒曹不敢戲簷棟松  
枝深相避親串望門空瞻企怵惻不得顧風誼赫赫神祇名

義何處得容鬼為厲弊俗相延詢怪異嘆息無人敢異議謠諺  
敢告採風吏驅惑宜將神道示疾病扶持古所誌勿使巫瞽誑  
愚昧節財化俗乃至治

### 過萬松書院

書院舊係禪寺乾隆庚辰歲邑侯周公改寺為書院壞  
佛像逐僧人一時紳士醵金修葺江西張公必剛杭州  
徐公諱琅相繼主席不數年而書聲寂然今則鞠為茂  
草矣

萬松山頭萬松院精藍舊是梵王殿參差碧瓦出翠雲盤紆石  
磴迷蒼菁俯窺平野接東溟名山歷歷羅江甸一聲清嘯落滄  
洲萬疊青螺分片練昔年周侯曾登臨太息此景清絕座致為  
花封振木鐸却遣金  
摧法輪青襟搖曳二三子精廬咕嗶一



激 鄉音

時新橫琴曲徑松風夕欹枕深窻蘿月春豈知轉眼荆榛塞絃  
歌鐘梵兩俱息空廊不辨室東西塗堊紛紛成空色行人日暮  
立峰頭空林靄靄風颼颼虛堂影動若神鬼間堦蟲語聲啾啾  
藝苑振興空往事肉食肯為後起謀何如禪門秘衣鉢彼岸猶  
自招朋傳徒使祇園驚飛錫孤雲野雀杳難留

聽李外翰彈箏

高堂露白雲英英故人為我彈瑤箏春風拂拂初入指商聲羽  
聲寥亮鳴窻戶如烟綠紗明碧月皎皎暮靄平盤沼遊魚忽自  
擲苔堦蟲齧杏無聲開簾坐覺莎影清高樓無風河漢橫繁音  
徹越逾瑩瑩夜深重剪鳳凰簾聽來却憶江南行昔年挾策悲  
楚荆扁舟曾泊吳閶城吳門千樹萬樹柳畫船處處弄春晴吳  
姬羅袖倚銀榜落花無言轉春鶯十年往事如流水茫茫雁柱

若為情

倪玉亭賣宅

玉亭宿歲擅風流，脫畧世味事耽幽。畫史不減顧癡匹，草聖自擬張顛儔。昔年賣藥章安市，得錢罷肆心悠悠。壺裏乾坤常自秘，人間得失等浮漚。酒酣往往於潑墨，驅山走海成傾刻。落筆龍蛇更不停，沙驚風送真奇特。門前常看靴袴填，屏幃遠近黃顏色。文彩誰知得數述，科頭長自嘆沈淪。孺仲膝前慚兒子，汝南堂上悲老親。紙田墨稼難逢歲，雁池兔苑嘆不辰。昔聞懸鷄悲南阮，今見割宅歸西鄰。車笠交遊空屈指，高軒誰是釋駉人。搖落深傷草樹秋，江城風雨滿高樓。子美空念千間厦，白傅徒歌萬里裘。傷心此日蓬蒿徑，僵卧莫知袁安愁。

霞山松木為弁兵所戕，東陳汝翼。

吾家崑山北君家崑山東昔人曾種松千樹虬枝突怒森穹窿  
迷離煙雨青濛濛吾家屋背濤聲起君家樓上飛流瀑吾家嶺  
半月乍來君家庭畔影腫臃彈琴坐石對髯叟烹茶掃葉倩山  
童春雨黃花洒香霧曉窓寒翠颯清風興奔一徑時來住哦詩  
多在翠嵐中何意炎蒸逼鎮府蔽虧赤日徹踈蓬驅遣強卒捷  
且雄赤足升木如飛熊錢幹丁丁闔霜及翠葉颯颯飄飛蓬驚  
我山間之棲鶻迴我嶺上之飛鴻杜陵焦唇嘆茅屋元亮搔首  
悲菊叢山靈欲怒山鬼泣瘁幹彊立如秃翁嗟哉於陵子且莫  
耿幽哀請君聽我歌融融古來盤錯須得地梁棟只合潛龍從  
蘭芳亦忌當門茁櫟誰云社可終平泉石木且難保吾曹何  
必怨蒼穹君不見城市塵囂地幾見名材磊砢撐青空

望雲江寄蔡成貴

雲江之水向東流海潮直接霞山頭吾家開門對江水白波如  
雪窓中浮頻年頗愜滄洲趣臥聽江聲朝復暮樹裏青帆去自  
來沙邊白鷗飛遠任故人愛此境清幽三徑常全林下步君來  
坐我松間樓開懷為釋古今愁彈琴坐邀江月上傾杯共挹江  
雲秋豈意中途悵離索偏使江流限雲壑風雨只解送行舟雲  
峯空自倚寒郭卓魯山前隱翠嵐蘆雁翩翩秋影涵日落雲濤  
愁極目知君江北望江南

巢雲叟畫竹

巢雲叟姓柳氏名榮吾邑之三港高樓人少耽泉石淡於  
世味不習舉子業所居多竹率諸子躬耕自給晏如也工  
吟咏精毫素尤喜畫竹常作風晴雨雪之景款以巢雲而  
不書名年八十餘嗜之不衰康熙時人也

羅陽之西三港流萬个篔簹映水浮深溪曲折翠影隔石路高  
低清蔭稠昔聞巢雲叟茅屋家谷口種竹玩竹更寫竹終身與  
竹為良友龍鐘長嘯鬢蕭蕭山鳴谷應送飛颿却遣山童收卷  
帙獨騎白雀搏扶搖柴門深藏行跡靜岩窻漠漠垂清影斑鹿  
晝卧岩烟明子規夜啼山月冷溪雲壓屋靄蒼蒼幽林忽覺飛  
泉香孤榻千聲分漉漉紙衾一枕夢瀟湘曉起空山望寒翠枝  
頭更愛朝陽媚涼侵短髮風潛嘶綠映單衫烟欲墜坐卧深山  
八十秋冥思直入窮精搜烟雲浩蕩飛翠鳳霹靂神怪驅蒼蚪  
興酣逸知誰匹不減雲林松雪筆慘淡自寫空山秋清寒獨標  
太素質濯濯琅玕望不迷蕭齋渾如坐幽蹊秘笈誰箋高士傳  
遺墨尚誌雲仙題溪山欲問幽棲處深叢杳杳山雞啼

隆山大觀亭望海

隆山嶺嶽臨海岸萬頃滄波飛浩瀚  
我來恰值雨初過水雲漠  
漠光零亂孤亭倒矚扶桑東  
扶桑素練橫遙空四嶼依稀青有  
無千峯沈浸翠暝濛上海漁舟隱  
寒霧模糊却辨帆如樹隔岸  
散露沙園城驚潮已上飛雲渡  
潮回諸島起飛流殘煙忽作蒼  
霓浮金鰲倏負羣峯出翠蜃  
遂將餘氛收寒日曛曛開水府  
風聲直上凌瑤宇七塔蹲鳩激  
怒號萬瓦青鴛驚欲舞俯仰環瀛  
一碧中憑欄疑接馮夷宮蒼狗  
白馬紛變幻銀濤渺渺混蒼穹  
蒼茫却憶開鑿始鴻濛混闢應  
爾爾人世晦明塞與通千劫塵  
埃寧異是我生抱膝住海天未  
識三山何處過延洞空欲窮星  
漢遨遊曾未挾飛仙蓬萊乘風  
知遠近珠樹棲雀是何年願與  
沙頭雙白鵠散髮共戲蒼洲前

濟麓齋彙草

江城晚眺

秋色迴無涯  
江天夕照斜  
山明將作黛  
水氣倏成霞  
樓閣橫歸雁  
帆檣雜暮鴉  
偶來乘興往  
橋畔訪漁家

夜登松臺山懷梅川叔

望遠松臺夜  
停雲天際浮  
露溥萬井月  
潮撼九山秋  
草徑螢光亂  
星河雁影流  
故鄉當此際  
君子應登樓

舟中即景

葉落河波起  
孤舟盪夕暉  
烟水思無際  
雲峯看如飛  
蘋花香滿艇  
樹影冷侵衣  
吾來欲垂釣  
何處覓苔磯

二

涼風起蘋末  
客思渺無端  
落日千峰靜  
秋潭萬影寒  
心隨雲意

似  
湯夢如葉飛殘偶過滄浪叟高歌擊木蘭

新秋夜有懷

寒空天氣肅離思迥難平月照千山靜  
風吹一木驚舊懷來早雁不寐悉秋聲  
久與故人別那堪時又更

望海

茫茫千萬頃極目大荒迴水色兼天盡  
風濤捲地來龍眠孤島靜蜃市九秋開  
絕險真堪畏東南勢欲摧

茅舍

野夫寧好靜獨住白雲鄉行客叩蓬戶  
主人歸鹿場簷陰涵碧落尊酒沁清光  
祝我幽閒趣飛杯引興長

山行

翠合山光迴煙嵐若有無盤迴一徑轉  
倏忽衆峰殊雲影懸崖



屋溪聲出嶺岵欲窮幽勝境幾處問樵夫

山村

千嶂排空列孤邨亂壑環人來蒼莽外犬吠翠雲間有徑皆穿竹無人面山悠然遠塵俗乘興欲忘還

前韓

幾家岩畔住竹樹杳難分一徑深黃葉連峯落翠霽寺鐘晨度谷山碓夜舂雲日落歸樵牧清歌遠近聞

護國寺

何處通禪窟相尋路幾重泉聲聞斷磵山翠出殘鐘到戶環修竹間塔列數峯野僧不相識吸茗對青松

聽泉

陟巘窮蒼翠緣溪渡石泓徑行逢茂樹時坐聽泉聲水石環相

激烟雲斷更生悠然多古意滿壑晚風清

歸途

躡遍青苔徑雲峯引興長亂山橫暮色歸路帶斜陽幾處炊烟  
起千林栖鳥翔回瞻遊賞處岩岫杳蒼蒼

望大溪

翠嶺千重上清溪一帶開流從何處落響自半空回夜壑蛟龍  
動晴山風雨來探奇遙注目寒氣逼林隈

萬松院

清境絕塵埃蒼松滿徑栽江平練影入嶺半翠雲堆濤擁三秋  
月風生萬壑雷間堦人跡少多半是莓苔

舟過大羅山

縹緲山形迴凌虛夕照涵峽雲連海氣峰影落秋潭片席懸紅

樹三家住翠嵐何當臨絕巘振策恣窮探

鰲山閣

城隈一徑上烟水迴無垠曠野臨江折連山到海分閣空浮蜃  
氣鐘閣入松雲不盡登臨興憑欄到夕曛

晚霽

將昏開夕霽斜影遍林巒踈雨鴻邊斷明霞水際殘柴門聞木  
葉幽磴落風湍坐愛新晴好秋光隨意看

謝畧村家

山山迴望合清趣愛茲村架竹泉通灶編籬樹作門言綸間釣  
水荷鍾更窺野老能留客相邀酒一尊

聞柝

重門嚴柝急不寐夜淪淪霜月臨城曉秋風到枕寒病窺雙鬢

影夢對一燈殘耿耿銀河水依依壓畫欄

小疾偶占

病卧驚風雨消愁命酒  
形癯憐雀影吟苦和蟲聲黃葉秋前  
夢青山雲外情琴書猶未整獨坐掩柴荆

登南城樓

南荒看不遠百雉接長川樓堞臨無地帆檣欲上天海鷗凌樹杪沙雁落雲邊懷遠情無限風濤阻渡船

江上對月

素月挂林端滄波正湫澗影分千嶂靜氣逼一江寒有客携筇杖何人盪木蘭遙聞漁子唱行近荻花灘

舟夜

泛棹當遙夜蓬窻露氣散潮聲隨月上山影挾雲飛雁渚烟中

暝漁燈蓼外歸臨風一長嘯秋思迴依依

秋霖

霖雨連朝暮泥深畏涉波秋聲生石溜寒色長庭莎壁暗縈蝸  
跡林空落鳥窠遠憐厨灶冷日日斷樵歌

孤雁

何日辭遙塞凌風忽斷行寒空一片月孤影萬山霜飛覺江天  
近聲哀雲路長遠應遲故侶不忍到衡陽

夜坐懷梅川叔

思君當此夕抱膝俯堂坳嶺上松風起簷前花月交遙看漁出  
浦靜聽鳥翻巢為憶幽林畔誰將竹戶敲

村行

晚霽邛烟靜秋原暮色濃夕陽動歸興野鳥共行踪黃葉湖邊

路青山雲外鐘  
回看樵子侶  
一一前峯

瑞平院

古院板橋頭  
僧龕隱小邱  
孤雲歸樹晚  
踈磬隔林秋  
壁破寒蘿  
補泉深架竹  
流閒門人跡少  
黃葉欲平疇

聞笛

涼風吹野樹  
霜月滿江流  
清切誰家笛  
飛聲到客樓  
梅花新旆  
夢楊柳故園  
秋不盡  
躊躇意挑燈聽未休

舟過霞碭山下

青山河上近  
野色遍斜暉  
夾岸綠紅樹  
孤舟坐翠微  
散烟生驅犢  
徑人語釣魚磯  
雙楫蘋花上  
頻驚水鳥飛

午輿訪林正卿不值

風景村居異  
悠然遠俗思  
溪聲過曲徑  
山翠壓踈籬  
地僻秋來

早林深月到遲尋君君不見門外立多時

蟠江

夜靜猶未寐行行古渡頭蓼花依曲岸鷗鳥宿沙洲野樹嘶風  
斷江雲抱月流前村燈火處誰盪釣魚舟

雨止

瀟瀟聲忽斷潑徑石苔濃翠滴窻間竹青歸嶺上松水飛爭入  
壑雲斷亂依峰坐愛銜花鳥拖聲上碧叢

上卓巖峯

不覺羣山小飄飄信杖藜青天低碧嶂赤日逼丹梯深谷人烟

寂懸巖樵徑迷野禽飛不去日暮向人啼

尋山

支竹携全伴春風結漫遊峰回雲合影崖斷水爭流僻徑人行

少深林鳥語幽每聞鐘梵處  
捫谷覓僧樓

村夜

向夕尋烟徑閒行傍水鄉  
前村人語語迴野月茫茫  
夜靜雲低樹春寒雁叫霜  
何人吹短笛清韻過芳塘

清泉菴

蒼崖盤一徑曲曲入清幽  
雲影依峯鐘聲到磻流  
青苔過鹿跡翠竹隱僧樓  
敲火煎新茗閒情愛惠休

洋菴

峰峯爭滴翠林密境逾幽  
僧塢穿雲入山泉隔竹流  
堦前黃葉滿窓裏碧嵐浮  
香境花初發春禽任去留

霞碣逢蔡國幹

故友多零落相逢獨有君  
一竿湖上月雙屐嶺頭雲  
翫壯神猶



羣

昔騷蕭鬢已紛黃壚相對處感舊嘆斜曛

贈山人

愛爾幽棲好飄然遠俗氛彈琴對山月種樹蹈溪雲  
堦靜餘禽跡門閒過鹿麀相將開北牖把酒話耕耘

旅宿有懷

挂壁餘燈燼輕商澈幙涼斷雲千里雁寒月萬山霜  
夜靜砧聲急秋深柝響長高誼懷叔夜命駕在何方

紅菊

逸性應難變臨風忽換妝詎因矜晚節直欲鬥春芳  
影艷還欺月枝寒不受霜東籬吟賞處偏是愛斜陽

白菊

出塵品自逸最愛淡含輝一徑寒無色踈籬人到稀  
露濃秋影

淨烟冷月痕散相對南山下虛疑見白衣

大水

波濤悲處處霖雨溢潮流雲暗山移海風吹屋作舟隴頭飛堦  
鶴樹杪宿沙鷗愁聽荒郊外招魂哭未休

二

天道多霖潦飄流駭再逢荒郊愁雁鷺頻歲哭魚龍道路孤行  
客耕耘瘁老農不堪江上望幾處足村春

大觀亭

秋氣肅林垆蕭蕭木葉零夕陽浮暮嶺寒翠上危亭江冷潮聲  
急風高野色冥飄然一雁至何處覓蘆汀

感興

病中成百感獨坐夜湯湯樹老秋無色山空月自寒聞雞愁欲

起攬鏡意遠酸懸枕徒相警幾回撫劍看

二

蹉跎羈小閣風雨每驚心幾日成愁病終朝只苦吟秋蟲寒近  
砌山鳥冷依林寄語樵蕪伴將予上翠岑

早起

早起中庭步散茫曙色涵殘星低野樹寒月落空潭葉響飛清  
露山空沒翠嵐涼風颯然至聽雁到江南

宿村舍

十里江村路茅簷對野亭月依霜草白山入海雲青樹色浮寒  
渚溪光帶曉星潺溪門外水一夜月中聽

偶作

小几焚香坐心閒意自舒山光當戶秀松影入窻虛僻徑幽花

落深林啼鳥初閑齋人不到無事拂梭櫚

月夜

滿空涼月迴流照徹蒼岑碧沼寒光逼閑庭秋影深露華潛濕  
草雲葉靜依林蟋蟀聲何急淒淒和苦吟

憶釣魚菴

古剎依雲際岩懸曲磴迴樓當泉盡處門向竹中開松鼠留殘  
果山雞啄破苔舊時携杖客想象隔林隈

登卓巖峯望江

九曲江潮急縈紆亦壯哉流經千磧入氣捲萬山來雁鷺排空  
盡帆檣帶影迴長風吹不斷縱目倚層臺

春曉

早起開簾坐層巒逗曙暉綠莎春露淺碧樹曉烟敷蝶夢花邊

徑鶯啼柳外扉輕風穿戶牖寒氣欲侵衣

洋菴

岩隈一徑轉幽刹枕林邱海日當窓躍春城隔岸浮盤花開茉莉竹塢聽鉤輶松下門常掩閒雲自去留

送人之秦順

此去川途險孤舟百折穿哀猿啼落日鬪虎逸荒田板屋雲中出山城樹杪懸前途今夜月回首碧峯巔

登隆山塔

迴梯窮絕頂縱目怯登探萬象青冥合孤標元氣含高疑天漢近直與蜃樓參俯挹羣山勝蒼蒼瑣翠嵐

江亭

水落寒波淨亭空一鏡涵江風收夜雨山月吐秋嵐細火明魚

市殘鐘逗佛龕宵深無問渡帆影盡空潭

坐月

箕踞門前石松闕少足音興閒雲出岫人靜月依林老樹知秋  
暮寒蛩響夜深坐來形對影誰和我清吟

悼友

十載心交友蒿歌淚欲枯夢魂猶如昨生死已殊途匡壁秋燈  
暗江窓夜月孤賞音長已矣愁絕正飄梧

二

怕見靈輜駕淒其返故園煙波歸病骨風雨斷愁魂華表悲遼  
雀青山涼暮猿孤舟今已逝恐淚望江村

山齋

寥泚閒齋靜柴門夜不扃野烟隨月白山影入江青葉響飛清

雲

露風迴聚亂螢興來成獨往草徑露泠泠

夜起

夜起依簷坐中庭涼意新  
萬根蟲咽露松際月窺人  
曉折巖殘  
蒼秋砧急比鄰輕颺動簾影  
苔砌淨無塵

江店夜宿

沙路環秋市塵囂近驛亭  
茅簷翔海燕苔砌接烟汀  
不雨泥常

濕無風水自醒夜深潮聲急四壁一空餘

偶興

山冥寒烟歛涼風淡素秋  
坐看松際月來照竹間樓  
露葉無聲墜池螢帶影流  
誰知清夜思遠與境俱幽

江雨

遠與境俱幽

風捲濤聲壯江昏雲氣冥  
中流飛急雨夾岸走驚庭  
舸艦迷遙

浦鷗鳧失遠汀却看舟子輩觸浪正揚舠

舟夜

涼風吹月墮暝色迴牽愁暗渚秋烟合殘山遠黛浮疎燈明蟬  
舍亂槳響漁舟敲枕蓬窻裏飄飄感野鷗

夕望

夕望沙村遠江天返照殘百蟲嘶草徑一雁下蘆灘露洗山光  
潔烟凝樹色寒却看波上月來掛釣魚竿

夏夜

夜色清煩暑微風渡碧篁月華浮水靜松影拂窻涼螢點隨烟  
裊花枝浥露香同人坐忘寐對話踞方床

江亭

返照江亭外新晴散薄陰山光浮水潔樹色入烟深孤艇迷遙



晚

岸歸鴉噪晚林冠纓何處濯滂作滄浪吟

山館為秋風所破

卅年松下屋嘆息雨風狂壁破雲穿牖簷傾月到床竹踈難掩  
徑樹老欲歌霜此日杜陵老唇焦重感傷

月夜上霞山

月迴秋山淨憑空影倒銜鐘聲沈大壑人影度空岩海氣凌遙  
塔江雲逐去帆夜深弄長嘯恐有崔栖杉

二

上下天光迴江烟掃曉風月明漁扈靜潮落雁沙空曠野沉秋  
杳霜臯醉曉楓幾家灘畔住岸火照波紅

感興

中宵猶未寐悵望倚層巔萬感拋秋夢孤筇對遠天山雲寒擁

葉野月淡浮烟不盡蕭騷意偏高思渺然

二

宵分門巷靜漠漠夕烟生野氣沈秋柝寒風響夜鉦窮愁雙短  
髮舊業一長檠故友誰相過悲吟無限情

聽雨

歌枕聽秋雨愁懷易惻悽泥塗傷輟鮒心跡感醜雞挂壁寒燈  
燼侵堦碧草萋瀟瀟聲不斷一夜夢魂迷

山房間居咏為梅川叔賦

終朝成獨坐對客少逢迎池靜禽來浴門閑草漸生枕邊山月  
淨琴外竹風清却笑林泉畔何人更釣名

二

消閒偏小閣抱膝俯堂坳石路分樵徑岩窻對鳥巢種花編竹

架拾椽繞林梢太瘦緣多病誰將

三

隱几千峯淨秋空翠接天江虹收斷雨塞雁下孤烟倦把尋山  
屐誰乘載酒舡幽禽如有約來伴碧窻前

四

蒼松遮矮屋薜荔翠侵帷苔壁行蝸污篝燈宿鳥窺烹茶移破  
灶與客話殘棋坐石秋宵永遠因候月遲

五

僻境無塵到庭虛竹影斜網蟲懸徑葉松鼠竊瓶花多病愁難  
斷前村酒易賒松林閑眺望倚石數歸鴉

六

長日坐無事松門時掩扃看山支竹杖品水檢茶經  
岩篠 簷

碧池荷繞榻青無須嗟寂寞陋室已書銘

山齋夏夜

颯颯餘空響柴門靜暮鴉流雲過樹暗殘月抱簷斜曲徑浮螢影單衣濕露花清宵涼如水坐石試烹茶

初秋

木葉微將脫蟲聲覺漸多星河低白雁嵐氣羃青螺窓月篩烟篠池風折露荷却憐人跡少獨寐如槃阿

二

秋澄萬影靜竹樹晚涼生雲束山腰斷烟橫江口平霜鐘林外動漁火岸旁明幽處誰通屐遙聞笑語聲

暮

烟光浮薄暝秋色近林阿日落山猶影江寒水不波歸人喧石

徑禪子摘霜柯幽興誰同調難忘下里歌

夜

宵澄荒徑靜蟲語迸涼秋落月沈寒渚明河轉夜流坐深披短  
褐吟苦促更籌百感蒼茫意挑燈坐小樓

冬日感興

牢落空山下蹉跎幾幾年荔帷寒已敝木榻坐俱穿冷雨翻松  
磴寒風迸竹泉鷗盟終不負欲買釣魚船

二

谷口冬初暮寒林晝欲陰風霜階樹老歲月徑蓬深水國迷寒  
雁山城急暮砧一樽梅徑月誰與共幽尋

三

草閣臨江渚風吹薜荔垣漁樵原舊侶竹樹自成村歲儉愁鞿

釜天寒早閉門蕭條揚子宅空憶孔融尊

四

難釋黃墟感愁從白社行索居慚固陋懷舊憶生平倦鳥風前翼殘蟬月下聲夜深愁不寐短夢一更更

寄吳靜庵先生

一別經三載愁腸日幾回故人歌采葛何日共尋梅榻已憐塵積門空掃雪開相看春又至忍負舊雲隈

村舍書懷

昔年乘興處今夕坐相思旅夢鈎輶喚秋心蟋蟀知葉聲猶颯颯月影故遲遲感嘆忘年友已逾宿草期

冬日

貧依巖隘宅一徑僻城隈歲計惟詩卷窮愁倚酒杯梅催春意

動雪霽凍雲開過眼流光迅已看星紀回

謝舉

曲磴穿雲入團團隱翠巒挿天山影合驅石水聲寒鳥語千林  
杳羊腸一徑盤太常遺跡在訪古問從鑿

山村玩月

此月溪山上蒼蒼境倍幽光涵深谷靜影抱峭岩流霜籜嘶風  
墜寒雲映水浮夜深興發 遠坐石橋頭

秋夜獨坐

獨坐愁千古長吟鮮薄醒遙聞一雁至併入百蟲聲木落秋陰  
淨風寒月宇清無眠聽夜折涼露正三更

北河村

清風吹草樹白石路悠悠巖溜寒猶滴山雲凍不流荒蹊來牧

犢霜葉隱鉤輞知有林間寺前峯夕磬浮

### 護國寺

緣溪窮絕頂古寺出林梢積翠埋僧塢寒雲覆鳥巢間塔峰影  
淨修徑竹陰交薄暮安禪悅鐘聲度水坳

### 偶興

竹戶人間倚苔痕屐印雙巖雲陰夕院蘿月抱秋窻繞樹驚棲  
鵲荒城響吠雁諸君勤蟻術芸案正銀缸

### 夕望

支竹穿修徑沈寥秋影散風林無定響霜月有餘輝深巷寒  
厖靜前村漁火歸興來忘夜永涼露欲沾衣

### 冬夜偶興

山中寒信早夜色倍蕭然翠壁雲孤裊冰池月對懸踈篁垂徑



影禿樹倚簷看歲暮愁懷逼流光感逝川

夜晤松年憶其尊君靜庵先生

感爾窮人泣悽悽不可聞一燈千里夢雙淚萬重雲  
遠道悲蓬梗鄉書怨雁羣窮冬寂寞意併作百憂薰

西山堂

夜色山光淨松陰悵獨尋江雲浮玉嶠海月掛珠林  
踈鬢秋來短愁懷靜更深中宵看劍氣何處問升沉

秋夜書懷

涼風吹木葉雲漢淨無波草閣秋燈動霜天夕雁過  
青山成獨往白石耿悲歌卒歲寒將屆秋衣待製荷

二

坐止非無地城隅一徑斜十弓湫市宅九口上農家  
生計詩書

拙愁懷歲月賒東籬孤興發杯酒酌秋花

讀靜庵先生家信

為憶經年別懷人望欲穿昨宵千里外喜見一書傳月白蟲當  
戶霜清雁在天新詩難卒讀清淚滿瑤箋

蟠江夜望

激激寒流淨閒吟繞碧灣水天分合影烟樹有無間冷月飛水  
鏡霜雲覆翠鬟不知誰氏艇欵乃夜深還

過白塔巖

蘆江東下險十里走奔洪地僻神壇肅岩奇鬼斧工激流迴釣  
艇曲渚落霜鴻小憇亭臯畔蕭蕭墜晚楓

江干

江鳴風力怒夜色迴悠哉月湧金鰲背星搖珠蚌胎素輝飛匹

行  
躡

練急響走驚雷眺望江亭上沙頭雲雁哀

寒夜感興

沈寒殘夜靜草露晚涼侵萬樹秋聲急孤檠月影深遙天飛白  
雁比戶試清砧欹枕愁無那頻將短夢尋

山齋呼凍

礧草多搖落巖松獨後凋寒水堅澤腹凍霧劃山腰北陸陰蕭  
颯南枝尚寂寥敲詩頻炙硯短髮怯寒飈

尋山

鳥道盤行迴攀援繞翠氛短筇凌峭壁雙屐躡飛雲谷轉泉聲  
變溪迴樹影分空山懷往事翁仲立荒墳

上溪

徑繞梅花入香風細細吹亂山藏野寺衆水落寒陂泉碓舂雲

急霜鐘出壑遲盤迴深谷底誰更採芳芝

宿午巖山家

石路延溪入溪邊野客家月華懸夜永樹影抱簷斜山靜雲無  
葉林寒露有花青囊遺秘笈望氣運南車

常山山家

尋山過曲徑竹樹密成行土屋林端住山田鳥上耕草痕燒後  
短嵐氣雨餘清坐覺桑麻趣真成世外情

春望

繡陌光如綺春臺一望鮮山陰收宿雨雲際落飛泉曉樹青連  
郭春苗綠趁烟暄晴愛幽鳥啼向碧窻前

蟠江曉發

凌晨江氣碧潮響迴潺潺月澗開霜鏡風寒起雪山渚陰紅蓼

淨沙際白鷗閒回首蒼茫望羣峰小如環

雅集

高閣俯蒼溟江峰映碧櫺  
巡簷翻過鳥倚檻接遙汀  
江氣含赭白嵐光滴硯清  
薜門爭結綠莫惜倒銀瓶

山齋春夜

薄暝松門靜前山色轉蒼  
鳥聲猶繞樹蟾影欲窺窓  
竹露沾衣碧池烟觸鬢  
涼篝燈懸翠塢竟夕耿踈光

初夏

堦苔浮衆綠漠漠画陰籠  
疏雨一簾淨殘花幾樹空  
荷香初出水竹禪尚通風  
却愛林塘畔披襟拭槁桐

二

清和初應候靈雨潤芳郊  
池沼杼香蔭庭陰長綠蕪  
落花隨鳳

子密葉生鶯雛半榻桃笙滑偏宜午睡酥

哭王樂成表兄四首

白髮幽棲意艱難獨苦辛生同江總恨老厭孟郊貧兔冊遠貽  
後牛衣竟此身寂寥江上路感舊慘傷神

二

鴻術巫咸秘人空擬國醫五禽還自演二豎竟難支種杏林猶  
茂滋蘭葉已萎里閭全下淚濟物憶恩私

三

搖落悲何極難忘裕後情傳家遺負郭壘土痛先塋虛幌秋蟲  
咽空山杜宇鳴尚平心未畢兒女淚交橫

四

卧病驚連月思君耿六時豈知三日別遽作百年期雞酒空相

酹人琴已莫追傷心蟠浦月誰賦大招詞

石帆山

溪光飛素練山勢削青蓮萬壑初搖月千岩欲吐烟維舟深渚  
曲繫纜古亭前此夕還鄉夢已隔翠雲巔

嚴陵

宇宙存真隱清風首富春千年懷漢帝大澤寄高人卧榻星辰  
動空臺日月新漫言天子友太古一遺民

溫州府 府 印